

## **A Ang Sumbong ni Satanas:**

### **❖ Usa ka koral palibot kaniya. Job 1.**

- Gipalibotan si Job sa nagapanalipod nga kamot sa Dios, siya adunay matarung nga batasan ug nag-alagad sa Dios nga matud-anon. Bisan pa niana, mag-alagad kaha si Job kon wala siya makadawat niadtong mga panalangina?
- Gitulisok ni Satanas ang batasan ni Job, apan ang atake gipunting ngadto sa Dios. Gibayran ba si Job aron pag-alagad Kaniya? Mahigugma ba ang bisan kinsa sa Dios kon wala siyay madawat nga balus?

### **❖ Panit alang sa panit. Job 2.**

- Nadaot ang yawa atubangan sa tanang langitnong mga binuhat, apan sa gihapon gisulayan niya nga makig-ergo batok sa Dios. “Panit alang sa panit;” ang matag tawo adunay usa ka balus. Matud pa ni Satanas, walay makaalagad sa Dios kon walay hinungdan!
- Sa gihapon ang argumento nagtuyok-tuyok sa batasan sa Dios. Ang Plano sa Pagtubos nagalangkob sa pagbindikar sa matuod nga batasan sa Dios.

## **B Integridad ni Job:**

### **❖ Job and Adan.**

- Gipasagdan sa Dios si Job nga gawasnon magpili sa pag-alagad Kaniya o pagsalikway Kaniya.
- Si Adan ug Eva, mga walay sala nga binuhat taliwala sa usa ka matuod nga paraiso, naglapas ug nahulog sa sala tungod sa pagpangataki ni Satanas; si Job, taliwala sa hilabihan nga kasakit ug trahedya ug kalaglagan, nagpabiling matud-anon sa Ginoo bisan pa sa mga pangataki ni Satanas. Sa duha, aduna kitay usa ka gamhanang sulondan sa mga dagkung isyu nga nataya mahitungod sa gawasnong kabubut-on.

### **❖ Job ug iyang asawa.**

- Nagpabiling matarung si Job bisan pa sa unang ataki ni Satans (Job 2:3). Human sa ikaduhang ataki, nangutana si Satans sa sunod nga pagngutana pinaagi sa iyang asawa, “Mapabilin ka bang matarung bisan niining tanan?”
- Desperada ang asawa ni Job ug puno sa kasakit. Dili siya makasabot nganong ang iyang bana sa gihapon nagapasidungog sa Dios tungod kay gihunahuna niya nga ang gikuha na sa Dios ang tanan gikan niya.
- Nakat-on si Job sa pagsalig nga bug-os sa Dios ug makontento sa matag sitwasyon, sama sa gihimo ni Pablo daghang kasiglohan tapos niya (Filipos 4:13).

### **❖ Job ug Jesus.**

- Ang biblia nagaasoy nga si Job wala nakasala human sa matag pagsulay sa duha ka pagsulay, apan nagpabilin siyang matud-anon.
- Niini nga hangkag, si Job makita ingon nga usa ka matang sa simbolo, usa ka hanap nga sumbanan kang Jesus nga, taliwala sa makalilisang nga mga pagsulay ug panulay, wala nawad-an sa kasibut, wala mahulog sa sala, ug nan nasupak ang mga panumangil ni Satanas batok sa Dios.